

歷代畫家詩文集

王仲山先生詩選(二)

台灣學堂書局印行

王仲山先生詩選

(二)



王仲山先生詩選卷之六

門人殷邦靖校選

五言律詩

門人鄭伯興編輯

立春日吳峻伯餞別青雲樓

脉脉暗潮生
放舟千里情
江樓還暮色
林鳥又春聲
殘雪維揚渡
輕雲上谷城
客行寒漸減
滿地百花明

除夜江口阻風宿道宗書院

風急滯江舟仍為別館畱客心隨歲改鄉
夢入春愁燈火猶殘夜山川是舊游鷄鳴
占曙色佳氣滿 皇州

春日渡江

望望南徐路江晴水自波潮聲滄海應雲
氣秣陵多朔雪行看盡春風漸覺和時聞
並濟者已唱豔陽歌

宿靈隱寺

看山逢雨色猶得住招提獨悟虛為性方
知昨是迷澗從牕下落鶯在霧中啼禪誦
歸依處鍾聲起竺西

山房曉起

曉起無來往開窓霧滿山微微竹磬發片
片石花斑淨境元無染素心相與閒莫因
將命者猶遣到人寰

晚至天竺

作詩選卷六
興到過山寺悠然坐翠微
漸深花外雨獨掩竹間扉
散吏同僧靜禪林見客稀
論空方欲罷石上倚雲歸

上湖

江客愛佳景悠然來避喧
雨深谿水急林密野花繁
谷口青蘿徑山陰綠竹園
居人不知藻疑是入桃源

常山與客游西峰

古寺抱幽峰禪房小徑通懸泉落高壁斜
日映深松石上開清酌林間來晚風徘徊
獨不去喜與故人同

常山道暫憇山家

問俗停山館窮愁此地偏徑閒春草合峰
斷晚雲連荒坂下斜日哀歌聞遠天豈無
河內粟愧乏汲生賢

豫章寄何鳳岡江樓

白舸隨流逝鍾鳴到豫章遙看江上路猶
是越中望對色停春靄山容澹夕陽思君
西閣暮尊酒意難忘

弋陽道中

自慙遠游意非嗟行路難沿流見奇石竟
日下長灘江草已全碧渚花將欲殘衡湘
未可即遙羨雙飛翰

叫巖

偶爾逢僧去
厓危上叫巖雲
迎謝生
屐風灑葛僊
衫石上路九折潭中漁
一帆憑虛
叢長
彌餘響落松杉

至畢梓石里

細草出平沙
江清繫短槎
水邊開徑路
竹裏到君家
隴早生新黍
門深映晚霞
誰言春去遠
猶見武陵花

冬日巡江上別省中諸寮

歌曲繞離裝城門昨夜霜聊看斗酒別愧
作璽書郎江上饒風色林間含日光行行
度西嶠回首晚蒼蒼

宿秦淮對客思歸

寒日大磯頭西風吹客舟尊前唯別酒檻
外卽江流出部皆吾土揚帆非遠游因茲
得休覲聊慰倚門愁

峨眉亭

虛亭向西望泯泯大江流自起
颶風思非關楚客愁千楓含晚色
一鴈落寒洲欲問東歸路沙邊有釣舟

再宿秦淮

十日江潭宿飄飄似葉輕沙邊候風色夢裏聽潮聲
歲暮芳菲盡霜寒洲渚清舟人多夜語總是望鄉情

嘉靖乙巳冬十一月奉 詔歸封親

喜述一首

季子寧親日 天書降瑣闥喜將毛義檄
遙傍老萊衣白髮漸應蒲寸心猶自違終
當解朝紱常得戀春暉

曉發

曉起占風候懸帆向日遙欣當歸覲日正
是沐恩年沙浦已含凍郊墟初吐煙鴻
飛數峰外應到草堂前

宿青山

琴書伴絲窳燈燭照孤蓬
猶是青山宿蕭然黃葦中
野煙依渚靜山燒隔林紅
無那東歸意江豚吹晚風

書省中竹上

牆陰數竿竹翠色滿清墀
夜靜簾初捲涼侵坐屢移
閒心常對汝公事只如斯
更託乘鸞意蕭蕭風起時

贈薛方山謫建昌

直道常遭黜西江獨去時
孤蓬漸覺遠歲暮易成思
世路誰相訊君心祇自持
巖風吹佩帶應上魯公祠

贈俞憲部謫武昌

送子南遷路悠悠逼歲除
遙看掛帆處當是聽猿初
漢口故人遠荆門古樹疎
茲行獨有詠須寄武昌魚

侯憲部告病得歸

雪裏聞君病今朝見芰荷獻書猶未達應
是隔天河旅徑餘荒草官齋暗薜蘿相逢
易成淚爲念別離多

知爾上書意高堂有老親故因司馬病不
厭子牟貧落日丹陽渡秋風越海濱遙將
一菊水聊慰白頭人

送二公

落日送行騎東歸卧白雲山中麋鹿性海
上鷺鷥羣剝有經時略空餘華國文何年
東觀裏開閣又逢君

月落天已曙暑風吹葛衣旅懷愁欲絕念
子病將歸分袂日云遠披襟道已微獨餘
流水調聽者自應稀

再送二谷

相送台山去甘為採藥人屋中書滿架階

下鹿常馴草暗楊朱路花飛桀溺津忍令
游宦子江上獨逢春

三月十五夜與侯二谷蔣鶴山許石
屋同登覆舟山時二谷在告將歸
解帶坐危石遙遙鍾漏遲偶逢今夜月况
是隔年期城上空湖色松間滴露時因君
更留戀別後易成思

張灣送客歸吳門